



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio Praemonst. remedij Halsij.

urn:nbn:de:hbz:466:1-13591

strum expressum & liberum adhibuisse donationi prædictæ. Appedentes sigillum nostrum comune, vna cum sigilli reuerendi in Christo Patris & Domini nostri, Domini *Leutpoldi*, ven: Episcopi *Babenberg*: his literis in testimonium super eo, Dat. *Babenberg*. Anno Domini M. CCC. primo, III. Non. Maij.

De Curia *Porgsteten*.

In nomine Domini Amen. Quomodo generatio perditur & generatio aduenit, multis obuiamus incommodis, si res gestas scriptis & testibus successorum notitiæ obseruamus. Ea propter nos frater *Heinricus* dictus Abbas de *Walzbach*, totusq; ibidem Conuentus *Cisfertien*. ordinis, *Ratisp*. Dioc. tam præsentibus quàm futuris duximus declarandum, quod cum Ecclesia in *Osterhouen*, villâ quandam nobis adjacentem dictam *Amazperch*, in paucis redditibus, utpote quæ ex angariis & indebitis vexationibus, aduocati ipsius villæ Domini *Rimbotonis* de *Schrovarzenburch* desolata quodammodis fuerat & inculta minus utiliter possideret nos vni reuerendi Patris & Domini nostri venerabilis Abbatis de *Waltshessen* fauore, consilio, & assensu eiusdem villæ aduocatiæ sub nomine Dominorum de *Osterhouen*, in numerata pecunia comparauimus, tandem mediante consilio venerabilis Abbatis de *Wimberg*, proprietatem ipsius villæ, cum omnibus pertinentiis, per modum concambij redeuntes, Curiam nostram videlicet in *Porchsteten*, omni aduocatiæ exornatam & institutionis liberè viris venerabilibus & deuotis Domino Abbati, ipsiusq; Conuentui in *Osterhouen*, cum omni integritate & iurisdictione qua nostra exitit proprietatis titulo tradidimus, vendidimus, seu pro præfata villa comutauimus perpetuo possidendâ, obligantes nos præsentibus iuxta terræ morem & consuetudinè, videl. per annum & diem ad omnem actionem seu petitionem quæ supradicta Curia ipsis seu ipsorum Monasterio moueri poterit, penitus abolendam sub propriarum dispendio expensarum. In cuius rei testimonium præsentem litteram conscribi fecimus, sigilli nostri, nec non venerabilis Abbatis de *Wimberg* caractere comunitam, testibus subternotatis, qui sunt *Eblingarius* & *Liebh*. famuli Domini Abbatis de *Osterhouen*. *Rugerus Viechtenstari*, *Hollandus*. *Albertus* famuli de *Wimberg*. *Liebh*. *Heinr. Vlr.* famuli nostri & alij fide digni. Actum anno Domini M. CCC. primo. S. Viti Martyris.

Ne in *Porgsteten* obligemur ad III. Sol.

Nos frater *Heinricus* Abbas in *Walzbach* constare volumus vniuersis presentia inspecturis, quod cum Curiam nostram in *Porchsteten*, sub libera institutione vendiderimus & tradiderimus viris venerabilibus & deuotis, Domino Abbati suoq; Conuentui in *Osterhouen* receptam in concambio quadam ipsorum villa dicta *Amazperg*, & in eadem Curia *Albeid* cõuersa de *Straubinga* haberet certos redditus, trium solidorum jure precario ad terminum vite suæ, nos præfata *Albeid*, singulis annis & certo die huiusmodi III. Sol. quos in ead. Curia recipere consueuerat tenebimur assignare, ita ut ipsi Domini de *Osterhouen*, seu quilibet ipsorum colonus in ead. Curia à præscripta cõuersa, seu quibuslibet suis consanguineis ratione juris precarij prælibati, nullum patiantur prejudiciũ seu grauamẽ. Si verò quod absit ex impetitione huiusmodi damnum aliquod fuerit ipsis ortum, ad recompensationem huiusmodi nos ipsis & ipsorum Ecclesie presentibus obligamus; dantes ipsis in euidens testimonium siue robur presentem litteram sigilli nostri ac vener. Abbatis de *Wimberg*, de cuius consilio contractum huiusmodi fecimus, robore comunitam. Dat. *Walzbach*, an. Dñi, M. CCC. primo, IV. Non. Iul.

Confirmatio *Præmonst.* remedij *Halsij*.

Willelmus Dei patientia *Præmonst.* Abbas, & Abbatum eiusdem ordinis Capitulum generale, vniuersis presentes literas intuentibus salutem & salu-

tares in Domino orationes. Petitioni nobilis & Illustris Comitis *Alberti de Hals*, suorumque heredum voluntaria deuotione annuentes, auctoritate presentium confirmamus & approbamus omnes conditiones in eleemosynis, missis, & aliis orationibus, quas in suo testamento & perpetuo memoriali de consensu Abbatum de *Osterhouen* ac ipsius Ecclesie Conuentus ex bona deliberatione ordinauit, vel in posterum ordinauerit Domino concedente proprietantia fratrum Ecclesie prefatae praecipientes firmiter & districtè ne quis successorum eorundem Abbatum & fratrum praedictorum transgressor earundem conditionum existat vel immutare valeat quoquomodo nisi de ipsius Domini *Al. Comitis* suorumque heredum aliorumque nobilium sibi in hac deuotione adherentium consensu & voluntate, nunquam Capituli generalis, alioquin transgressores ad penas in instrumentis ipsius saepedicti Domini *Al. ac aliorum nobilium* qui inibi sua remedia ordinauerint, auctoritate presentium obligamus. Datum *Præmonst.* Anno Domini *M. CCC. III.* sedente Capitulo generali.

De Indulgentia magnæ Crucis,

NOs *Wernhardus* Dei gratia, Ecclesie *Patauien.* Episcopus, presentibus confitemur, quod cum venerabilis in Christo frater, Dominus *Vlricus* Abbas in *Osterhouen*, tactus dolore cordis intrinsecus super amaritudine passionis redemptionis nostri crucifixi crucem argenteam deauratam & gemmis pretiosis ornata appenso corpore ad imaginem & similitudinem crucifixi, impositis per manus nostras venerabilibus sanctorum reliquiis à parte sinistra pro cultu Ecclesie sue predicta in sui memoriam & remedium praeparasset. Nos ipsius deuotionem aduertentes, statuimus in virtute sancte obedientiae, & sub interminatione diuini iudicii vt nullus Abbatum seu quisquam alius eandem crucem alienare audeat circa *Osterhouen*: Ecclesiam perpetuo permanfuram. Caeterum pro honore crucifixi & sanctorum reconditorum in eadem omnibus verè poenitentibus & contritis qui eandem crucem portandam in processionibus vel contra ignis voraginem, vel aeris intemperiem secuti fuerint, decem dies criminalium, & viginti venialium misericorditer in Domino relaxamus. Datum *Pat.* Anno Domini *M. CCC. IV.* in die *S. Thomæ* Apostoli.

Admissio Capituli *Patauien.* de Ecclesia *Wintzer.*

NOs *Meingotus* Dei gratia Præpositus, *Meingotus* Decanus & Capitulum Ecclesie *Patau.* costare cupimus vniuersis presentes literas inspecturis, quod litteras venerabilis Patris Domini *Leupoldi* Reuerendi in Christo Episcopi *Babenbergen.* non abolitas non abrafas, non cancellatas, immò ex omni sua parte saluas sui ipsius nec aliorum subscriptorum sigillorum munimine insignitas vidimus & legimus continentie infra scripta per omnia in hec verba: Nos *Leupoldus* Dei gratia Episcopus *Babenberg*: recognoscimus fideliter per haec scripta & ad vniuersorum tam presentium quam futurorum notitiam deducimus per presentes, quod considerata magnæ deuotionis sinceritate, qua dilectus nobis in Christo Dominus *Vlr.* venerabilis Abbas totusque Conuentus Monasterij in *Osterhouen* ordinis *Præmonst. Patauien.* Dioc. nobis & nostrae Ecclesie *Babenberg*: in temporalibus subiecti, nos & dictam nostram Ecclesiam gratis & acceptis seruitiis & sumptuosis expensis respiciunt reuerenter in condignæ retributionis premium seruitiorum quæ iidem Abbas, Conuentus, nobis & prefatae nostrae Ecclesie haectenus exhibuerunt & exhibere potuerunt in futuro, ac in recompensam expensarum quas circa nos & nostros versus *Carinthiam* vel de ipsa terra *Carinthia*